

中國方志叢書·華中地方·第四二七號

據清·沐雲叟著
道光二十六年刊本
影印

江蘇省

錫金志外

(全)

成文出版社有限公司印行

A
5672/62
5672/62



10097961

中華民國七十二年三月臺一版

錫金志外

全一冊

發行人：黃

成

助

出版者：

台北郵政信箱二二六〇五號
成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第243號

錫金志外

邑志外序

邑之有志所以信今而傳後也顧時代曠隔傳聞異辭採訪者非一人秉筆者非一手稍事疏略卽不免闕漏譌誤斯前人以爲可信者轉以啟後人之疑今人以爲可疑者更難取將來之信閱者病之矣間嘗徧讀前志復參稽往籍其間有應補載者有應考正者有舛錯無可查核祇宜列入存疑者一一條記之其事關閭閻疾苦昔人所未及知而流弊之極後之人不可不知之者是又救世婆心所不忍聽其湮沒

者也爰以補遺訂譌存疑增輯列而爲四而名之曰
志外昔宋劉恕有通鑑外編程子門人有二程外書
元吳澄有易纂言外翼乾隆間汪有典有史外之刻
皆以補前人所未備則斯編也異時有重修邑志之
君子出焉不以爲管窺蠡測之見而鄙棄之亦可備
參考之一助云道光癸卯沐雲叟自序

錫金志外目

卷一 補遺上

卷二 補遺下

卷三 訂譌

卷四 存疑

卷五 增輯

贅言

錫金志外卷一

補遺上

宸翰

高宗純皇帝

御題給事中

臣

鄒一桂所進百花圖卷詩

乾隆八年二月十七日

東風貽蕩珠斗旋女夷早識當司權探春爲使冒曉
寒垂垂雪節報韶年東郊迎春春可憐赭黃袍笏映
日暄是時紅梅方燦然暗香疎影笑逋仙曉粧學杏
鬪芳鮮九疑夢綠環珮珊不許舞蜚知因緣湘妃波

上無蹤跡。衣袂聯九龍。爲何不須鞭。品
九命瑞香團味輸龍沈與麝蘭萬粒齊綻雪點殘詩
人漫誇紫毬般寶珠山茶出祇園楊妃焦萼空喧傳
滋蘭九畹憶屈原凌駕菰蔴突蕙荃東皇綬帶垂翩
翩管領嫣紅姹紫天南陽諸葛臥龍蟠只今遺種猶
田田玉李含桃相樛連繁英碎瓣春星攢色香不辨
孰媿妍百花領袖文杏專上林仙子名姓宣亦有行
人斷魂牽清明時節村舍邊雙雙金雀何飛翾宛同
社燕珠簾穿紫綿垂絲笑靨嫣欲綰青陽片刻延荆

花解令昆仲歡不須更詠棣華篇光風轉處蕙叢芊
態比吳蘭羞媚媚野薇含笑美且鬢芋蘿村裡浣紗
人^叶蝴蝶慣抱花心眠紫羅花鳳低枝駢海棠貼梗
種尤難元都觀裏春將闌桃花人面啼闌干雪梨映
月小院偏木筆點詠芳園閒昭容紫袖俄雙拳流蘇
萬結壓井欄薔薇金朶垂籬垣如來迦葉曾示禪何
來於菟繞戒壇比丘伏後都忘筌誰將荷包名牡丹
滿貯春和露未乾輕條出水波濺濺弱幹掩映梳烟
鬟銀絲萬縷疑珠貫^叶瑤葩真是抵金錢浴蠶初罷

豆花繁不與桃李爭春官遶蹊棠棣常偏反滿囊金
粟勝霜秬雙成上元紛騎鸞石家步幃金谷筵紫絲
十里圍芳阡沃丹九轉駐朱顏虞姬杜鵑愁滿川蕊
珠宮裏綵毬懸蘭膏微暈胭脂殷名傳西府堪吟攀
長春四季開爛熳直將春秋紀八千叢石竹擬湘妃
斑洛陽魏紫尤稱尊瓊田瑤圃樊杜班沈香樂遊應
竝刪身傍小玉欺素蠻木香郁李枝連捲玉堂佳客
揮吟箋續紛翠羽來空山亞盆梔子麗且嫺但聞簷
蔔餘香捐忘憂最愛北堂萱豆籬花滿涼蛩喧金銀

引蔓飄濕磨蜀姬濯錦錦浪翻石榴爭似葵心丹南
中金絲五出圓盈盈黃苞襯綠盤千葉翠桃欹晚烟
連昌宮牆那能關還疑洞口尋劉阮叶玫瑰宜上美
人鈿纏枝千結芳菲魂佛國嘉種稱旃檀離垢頓悟
倒剎竿渭川遙接武陵源觀音幻柳何曾觀石菊凌
霄剪碎紈或綻砌傍施松顛海桐濛濛清露溥淥波
初日舒芳蓮亭亭翠蓋凌風軒處妃羅襪步銀灣郎
名紫薇侍金鑾晚香未入嵇含編岸蓮紫鶴淨粉鉛
玉塔岸幘雞人冠露晨報曙瑣窗前清江紅醉雁初

還牽牛七夕鵲橋填秋葵鳳仙簇蘚磚美人綠髻映
貂蟬聞雷悟處同風旛馬蘭珠蘭爭笑嗎茉莉吐馥
髻雲覆海棠秋染紅霞痕幽馨逸態難具論淡竹不
離僧伽肩芒鞋掛處鐵線纏漢宮秋色赤燄燁玉簪
插髻清芬噴藍菊翠梅各婉嬋桂花丹粟月窟根本
樺弄影臨清湍夜來香綻花鬢鬚桃蹊李逕委榛菅
九秋佳色東籬存當年陶令興盤桓金英落砌猶堪
餐嘉名萬壽薦壽樽月月紅粧燦朝暎芙蓉寒倚夕
陽灘江鄉一幅圖范寬纍纍天竹綴琅玕山茶豔質

名玉環香傳真蠟薇露滿月明林下殊清便玉梅官
殿花王銓更番風信非虛言明年芳事從頭看

賜禮部侍郎臣鄒一桂詩

懷鄉念切老年榮弗許翻嫌不近情一晌陞辭雙淚
下原猶戀闕可憐生

簪纓歸里榮依舊花鳥怡情樂正賒吳下詩人應好
在白頭相聚話烟霞

賜左都御史臣張泰開

年過懸車又一旬南旋嘉與錫恩論飄蕭白髮三千

丈啟迪青宮二十春安得蘇仙授枚橘真成疏傅理
歸輪梁溪水是還鄉水愈疾應知速倍神

左都御史張泰開在內廷授諸皇子書醇謹老成
茲以八旬年老且病告歸特晉禮卿竝加宮傅詩
以賜餞戊子季夏下浣御筆

仁宗睿皇帝在藩邸時製

奉和樂泉先生八十自壽詩

松鶴凌霄不計年蒼然標格富雲烟冰操自與忠清
合椿壽多緣福命偏啟事封章新白簡傳經坐具舊

青瑣中朝卿相多平格無數朋游話昔前

花磚容與日扶鳩還向東華策紫騮青瑣丹墀常

保直綠鞵紅紱許聯游年高最愛書盈手官久頻添
雪滿頭鄉夢不禁思慧麓竹鑪茗椀傍清流

申初聽漏齊歸院子半聞鐘獨攬衣廿載賓師出或
處一身仙佛是耶非封魚節操知廉慎數馬門風謹
刺譏束髮從公將數載孝經論語獨探微

脫口爭傳白雪詩高齋吟斷幾霜絲佇看朶殿傳
觴日重到香山入畫時秋水蘭陔環子舍春風花縣

孫枝期頤天與精神健莫訝先生退食遲

建置沿革

康熙志漢武帝元封元年東越將軍多軍降漢封無錫侯子多卯征和四年坐追反寇棄軍免國除

案此嘉慶志漏載應補

泉

舊志羅漢泉在惠山寺殿後右隅山僧眞恩嘗構亭覆之

案泉在寺後石罅歲旱不竭乾隆初楊孝元構樓